


Lukaq É Gabú Danglù Laiká Mâ É Mhô-myi Pé

Laiká Bùk - IV



BO É DANG-U PÉ

	Nghap cham	Dang-u	Laiká Myòq
16	Yerusalem Wà mó má Yesuq Wang E É Hkyô		1
17	Yhûmsîng Yesuq lhoqlhai Poî kut é hkyô		19
18	Tsanlun Bùm Má Yesuq Kyûdûng É Hkyô		37
19	Yesuq Lé Petruq He-ngik É Hkyô		51
20	Sûwún Wui É Hí Má Yesuq Jéyáng Huî É Hkyô		65

Illustrations by Sweet Publishing <http://sweetpublishing.com/>
This work is licensed under the Creative Commons Attribution-ShareAlike
3.0 Unported License. To view a copy of this license, visit
<http://creativecommons.org/licenses/by-sa/3.0/> or send a letter to Creative
Commons, 444 Castro Street, Suite 900, Mountain View, California,
94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Title : Luke Shellbook Vol. IV
Translator : Chumlut Ban Htang
 Lahpai Nang Doi
 Chumlut Laq Pa
Editor : ZBTC
Language : Zaiwa
Date : 26th October, 2019
Edition : First Edition

16. Yerusalem Wà Mó Má Yesuq Wang E É Hkyô

Jesus Enters Jerusalem




Lúkaq 19: 28-42, 22: 1-6

Dang Hpóng

Yhûmsîng Yesuq tapzîng htoq má shî hkám râ ahkyíng chyâng lo nyì bê nghut ri. Yhûmsîng Yesuq gi, byu pé lé, Garaî hkyô taî kyo hko kyo, nò bang lé lhoq gê byî é sumzân byíng berâ. Byù myo mimyo gi, Yhûmsîng Yesuq lé chyitdàp bum akô. Yhang gi, Isira-elaq mau mâ é, hkóhkâm rayùq dùt lò râ nghut lhê ga le myìt myòqbyu tô bum akô. Haî wá nghut kôlhang, Hparishê pé gi, Yesuq lé gyai yhang nhikjum-yô bum akô. Hparishê pé gi, Yesuq, Garaî yhangzo nghut é lé a jíng kó nghut ri. Hau htoq agó, Yhûmsîng Yesuq gi, yhânggùng yhang, Garaî yhangzo nghut lhê ga taî é lé wó gyo kôjâng yhángmòq gi, nhik-yô bum akô.

Hpyê lhum râ dangmyi – ming ùp zau mó, a nghut jáng, ahkyàk é byù mó rayùq yùq gyung htoq é lé, htê htoq alhô duì má, myang wú akô lùq? Yhang gyung sô le hkâsu kut bum akô lhú? Yhang lé hkâsu lhom pang yu bum akô lhú?

Mhô-myi ahkyo azó shî-má, Yhûmsîng Yesuq gi, lhoqlhai poî kut râ matú, Yerusalem wà mó má e é, ló htâng dàm gyung htoq é hkyô bo lhê. Byu pé gi, Yerusalem wà mó yàm má, Yhûmsîng Yesuq lé hkâsu kut lhom pang yu akô lhú? Wú wú shâng.



²⁸ Yesuq gi, shí hkyô pé lé ban taí jáng, hí má so luî, Yerusalem wà mó, shut dòq ló nyi ri.

²⁹ Yesuq gi, Yhâng é chângzô pé eq Tsanlun Bùm mâ é Bethpage wà eq Behtani wà má jé ló kôjáng, Yhâng é chângzo í yùq lé,




30 -31 “Núngnhik, hí mâ é wà má ê keq; wà haú má wang é hkûn jáng, ó le a jî wú shî é logúng zo tuî to láng é lé, ê myâng kó râ nghut lhê; haû lé hpyi yù mù, Ngá chyáng she lò keq. Byù rayùq yùq mai, ‘Haû haî mù hpyi nyi akô?’ ga núnghnik lé myi kôjáng, ‘Shí du lé, haû Yhûmsîng râ ri gâ.’ nghû tû taí keq.” ga pyîng luî, nhang kat ri.



³² Nhang kat é su nhik ê jáng, Yesuq taî kat é dông yhang, dùt to láng é lé ê myang akô.

³³ Yhângnhik logúng zo haú lé hpyi nyì kô é hkûn, yhûmsîng wui gi, “Haû logúng zo lé, haî mù hpyi nyi akô lhú?” ga luî, yhângnhik lé myî akô.

³⁴ Haû jáng, yhângnhik gi, “Shí du lé haû Yhûmsîng râ ri gâ.” ga taî akô.



35 Yhángnhik gi, haû logúng zo lé Yesuq chyáng she lò mù, yhángmòq é buhîng pé lé logúng ahtoq má buí luî, Yesuq lé dòq ji nhang akô.


36 Haû su kut, Yhang ji e ló nyi le, byu pé gi, yháng- mòq é buhîng pé lé hkyô má hkang byî akô.



37 Ahkuî, Tsanlun Bùm hkêgyó gyó ló é jowò eq chyáng lo é mai gi, chángzô pé bànshoq bang, yhángmòq myang é làklaí kúmlhá pê é yánmai, gabú myìt mai htê mó o mó èq Garai Gasang lé hkya-on kô é dang gi,




38 “Haû Yhûmsing é myìng mai jé lé lo é hkóhkâm gi, hkungsô wó nyî shâng gàq ô! Htoq tsâng myhâng má, Garai Gasang gi, hpungwup shingkang bo nyì shâng gàq ô!” gâ akô.



³⁹ Haû mù luî, haû byù hpûng hkaû má bo é Hparishe pé ra-am gi, “Sará ê, náng é chângzô pé lé tân pyám aq.” ga luî, Yesuq lé taî akô.

⁴⁰ Haú hkûn, Yesuq gi, “Ngò, nûngmòq lé taí kôlé, shí bang zim za nyì kô é nghut le gi, lùqgòk pé garû lô râ nghut lhê.” ga tû taî ri.




⁴¹ Ahkuî, Yesuq, Yerusalem wà mó eq chyâng lò luî, wà mó haû lé myàng jáng, haû wà mó é matú ngaù mù, taî é gi, “Wà nàng ê!

⁴² Hkû-nyí lhê é buìnyì má, nguingón é hkyô lé nàng bûn sé tô é nghut le gi, gè râ wá! Ahkuî kúm gi, haú hkyô lé nghop to bê nghut mù luî, nàng a sé lo nghut ri.




Lukaq bunmó 22 lé gam hkoq le,


1. Lhoqlhai Poî gâ é Azuma jé râ chyâng lo hkûn, 2. hkyangjong agyi pé eq tarâ sará pé gi, Yesuq lé hkâsu kut wó sat pyám râ hkyô, ho nyi akô; hkâsu mù gâ le, yhângmòq gi, mingbyû wui lé gyùq bùm kô é yánmai nghut ri.



⁴ Yhang gi, htoq ê mù Yesuq lé hkâsu kut àp pyám râ hkyô lé hkyangjong agyi pé, noqkuq yhûm zúng é gyèzau pé eq, ê hpyê ri.



³ Haú hkûn, lagyo raxe í yùq má bo é Iskarut gâ é Yudaq chyáng Tsádán wàng mù luí,



⁵ yhángmòq gi, gyô nguì luî, Yudaq lé ngùn
byi râ hkyô myìt hui bekô.

⁶ Yudaq le hâp yù luî, byù hpúng má a nghut é
hkûn, Yesuq lé àp pyám râ hkyô ho nyì bê nghut
ri.

A. Ahkyo Azó Lé Hpyê Lhûm É Hkyô

1. Yerusalem wà mó jé wuî má, Yhûmsîng Yesuq gi, Yhâng é chângzô pé lé hká shut ê nhang ri lhú? (Lukaq 19)
2. Yhûmsîng Yesuq gi, logúng ji mù, Yerusalem wà mó má jé wang ló é hkûn, mingbyû wui hkâsu kut bum akô lhú? Yhángmòq hkâsu ga taî bum akô lhú?
3. Hparishê pé gi, Yhûmsîng Yesuq lé Yhâng é chângzô pé chyáng haî ê tai nhang ri lhú?
4. Yhûmsîng Yesuq gi, Yerusalem wà mó lé myàng jáng, myìt má hkâsu ga hkâm zô ri lhú?
5. Yhûmsîng Yesuq lé, sat nau é bang gi, ô pé nghut ri lhú? (Lukaq 22)
6. Chângzo hká yùq chyáng, tsádán wang ri lhú?
8. Hkyangjong agyi pé gi, haî mù Yudaq Isikarut lé ngùn byî akô lhú?

B. A Hkyo Azó Lé Sê Gyô É Hkyô

1. Yhûmsîng Yesuq èq Yhâng é chângzô pé lé, logúng zo ê shê nhang é hkûn, Yhang taî kat é eq rajung za haî mù, dùt to láng ri lhú?
2. Yhûmsîng Yesuq Yerusalem wà mó má, jé wang ló é hkûn, mingbyû wùi gi, haî mù hkóhkâm ga wùt garû bum akô lhú?
3. Hparishê pé gi, Yhûmsîng Yesuq lé hkya-ôn nyì kô é Yhâng é chângzô pé lé lhoq zîm pyám râ matú, haî mù Yesuq lé taî akô lhú?
4. Yudaq Isikarut gi, Yesuq lé Hkyangjong mó pé chyup yù râ má garûm yù râ matú, haî mù myìt huî ri nghû nàng wó myìt ri lhú?

C. Mhoq Yu é Dông Asàk Duì Râ Hkyô

1. Ngá-nhúng gi, haî mù Yesuq lé jeju hkya-on râ lhú? Ngá-nhúng gi, Yhûmsîng Yesuq lé hkâsu kut hkúngga râ lhú?
2. Yudaq Isikarut gi, Yhûmsîng Yesuq htâng châng nau é htoq ngùnzè lé je chyit ri. Ngá-nhúng, Yesuq htâng a châng râ matú hai èq gúnglaú nyi ri lhú?
3. Mhô-myî ahkyo azó shî mai, Yhûmsîng Yesuq é hkyô haî wó mhoq yu ri lhú?
4. Mhô-myî ahkyo azó shî mai, yhûmsing é asàkduì hkyô má châng kut nyì râ hkyô, haî wó mhoq yu ri lhú?

D. Wó Mhoq Yu É Hkyô Pé

1. Yhûmsîng Yesuq gi, Yhâng chyáng dùt lò râ hkyô lé sê to kôlhang, Yhûmsîng Garai myìt ngui ô nau é hkyô lé châng ri.
2. Yhûmsîng Yesuq gi, ngá-nhúng hkya-on noqkuq gíng é Yhûmsîng nghut ri. Yhang gi, mauhkûng myigùng bàndoq lé ùp sîng Sû nghut ri.
3. Ngá-nhúng gi, hkâ-nhám le yhûmsing é i-myìt nhiklhüm lé hkangzing râ dùt lhê. Haû jáng shèq Yubàk hkyô shut shuî ngoq yu é mingkan ngón hkyô pé eq ngùnzè pé má, hkyô a ngoq ló byùq râ nghut lhê.

NGHAP MATSÍNG RÂ CHYÚMBUN

Luka 19: 38

“Haû Yhûmsing é myìng mai jé lé lo é hkohkâm gi, hkungsô wó nyî shâng gàq ô! Mauhkûng htoq má, nguìngón nyî shâng gàq ô! Htoq tsâng myhâng má, Garai Gasang gi, hpungwup shingkang bo nyì shâng gàq ô!” gâ akô.

17. Yhûmsîng Yesuq Lhoq lhai Poî Kut É Hkyô

Jesus Celebrates the Passover



Lukaq 22: 7-23




Mosheq lé Garai Gasang pying tō é eq rajung za, hkumhpyo má, sau zô é sui büt tō é Isira-elaq byu pê é yhûm mâ é zo-mún pé gi, hkyi yu é huî akô nghut ri.

Dang hpóng

Lhoqlhai Poî nghu é hkyô lé, ó yùq sê akô?


Isira-elaq byù myû wuì gi, lhoqlhai Poî lé zàn wuì kut akô. Haû gi, yhángmòq, Egutuq ming má shúm zung é mai lhoq lhut yu é Garaî é jeju lé myìt bun râ matú kut kô é nghut ri. Isira-elaq byù myû wuì lé Egutuq ming mai hkyi htoq yù râ hî myìn má, Isira-elaq byu pé mai, sau zo radu du sat luî, sau zô sui lé yhángmòq é yhûm hkúmhpyo má bùt to ra râ nghut lhê ga, Garai Gasang èq Mosheq lé pying tô ri. Haú myîn má yhang, gyung sô ló é hkûn, yu chûng râ matú, múnchi a bo é mùk lé le saí nhang ri. (Múnchi a bo é mùk gi, luī luī za a saû byùq é nghut lhê). Haú myîn yhang Garai Gasâng é Maumang lagyô pé gi, Egutuq ming raming gón má nyi é zo-mún bànshoq lé sat pyám bê nghut ri. Nghut kôlhang sui but tô é yhûm hkangmó má é zo-mún gi, wó lùt bekô nghut ri. Haú myîn yhang Isira-elaq byù myû wuì gi, Egutuq byu pé é lòq mai wó lùt htoq bekô nghut ri. (Mosheq mhô-myî má é alhô pé lé tûn shit àq.)

Yudaq byu pé gi, múnchi a bo é mùk eq sau zo sho lé zo mù, Lhoqlhai Poî kut akô. Mhô-myî shi má le, Yhûmsîng Yesuq gi, yhâng é chângzô pé eq rahá ló htâng dàm lhoqlhai poî kut é lé myang mhoq yù râ nghut ri. Nghut kôlhang, myínzang zo poî shî kut é hkyô gi, gótû lichyûm asik lé le lhoq htoq shit ri.




⁷ Ahkuî, haû Lhoqlhai Poî mâ é sau zo shigu hkungga sat nhông byi râ é, Azuma buìnyì jé bê.

⁸ Haú hkûn, Yesuq gi, Petruq eq Yohan lé, “Ngá-nhúng zo râ matú Lhoqlhai Poî ê món láng keq.” ga luî, nhang kat ri.



⁹ Haú nhik gi, “Hkâ-má ê mòn to nhâng nau ri lhú?” ga luî, Yhang lé myî akô.



¹⁰ Haú hkûn, Yesuq gi, “Núngnhik, myuq hkaû
shut wang e ló le,




Wuì yambú wàq é byù rayùq lhom hui râ
nghut lhê;



haú yùq chyáng châng ló luî, yhang wang ló é
yhûm má châng wàng mù, yhûmsîng lé,


“Ngò Ngá é chângzô pé eq rahá, Lhoqlhai Poî
zo râ bîng wàp hkâ-má nghut lhê lhú ga, Sará myí
nhang kat ri.” nghû taí keq.



12 Haú hkûn, hen tô é ahtoq mâ é wàp mó lé,
núngnhik lé lhom tûn shit râ nghut lhê; wàp haú
má ê mòn to keq.” ga taî kat ri.



¹³ Haû chângzo nhik htoq e ló le, Yesuq taí kat é eq roq za ê myâng kômù, Lhoqlhai Poî lé móñ to bekô nghut ri.




¹⁴ Ahkuî, ahkyíng jé jáng, Yesuq eq Yhâng é chângzô pé rahá za zohpoq má zung tô akô.

¹⁵ Haú hkûn, Yesuq gi, “Ngò wuîhke jamjau hpuzô é a hui shi má, Lhoqlhai Poî shî lé nûngmòq eq rahá zo râ lé, Ngò gyai ô nau nyi lhê.




16 Hkâsu mù gâ le, Garai Gasâng é mîngdán má poî shî a ló dìk dìk gi, ngò haû lé dum zo râ a nghut lo.” ga luî, yhángmòq lé taî ri.

17 Hau htâng, Yesuq gi, gó m lé yù mù jeju ban hkya-on jáng, “Góm shî lé yù luî, núngmòq yhangchang gàm shuq lhum keq.




18 Ngò, núngmòq lé taí kôlé, ahkuî mai gi, Ngò, Garai Gasâng é mingdán a jé jé tsibyiq wing lé dum shuq râ a nghut lo.” ga taî ri.

19 Hau htâng, Yhang gi, mùk lé yù mù, jeju hkyanon luî, mùk lé myhik hpé mù, yhângmòq lé byi uchyang, “Shî gi, núngmòq é matú byî pyâm é, Ngá é gùngdu nghut lhê; Ngo lé bûn nyì râ matú, shî su kut nyî keq.” ga taî ri.



20 Haû eq rajung za, myínzang bàn zo jáng, góm lé le yù mù, “Góm shî gi, núngmòq é matú htoq pyâm é, Ngá é sui má xuq tô é dangshikaq asik nghut lhê.

21 Nghut kôlhang, wú keq, Ngo lé àp pyám râ sô gi, zang bó shî má ngò eq rahá nyi tô ri.



²² Haû Byu Yhangzo gi, hkyin to huî é eq rajung za shî râ nghut lhê; nghut kôlhang, Yhang lé àp pyâm é sû gi, ding nyé wó ri.” ga taî ri.

²³ Haû su ga jáng, lagyô pé gi, yhângmòq má shí hkyô kut râ sû gi, hká yùq nghut râ lhú ga, rayùq eq rayùq myî lhûm bum akô.

A. Ahkyo Azó Lé Hpyê Lhûm É Hkyô

1. Isira-elaq byù myû wùi gi, zàn wùi haí jung gau-nyhaú sat mû, lhoqlhai poî kut akô lhú?
2. Yhûmsîng Yesuq gi, Petruq eq Yohan lé, haî kut nhang ri lhú?
3. Petruq eq Yohan nhik gi, Lhoqlhai Poî zo râ jowò lé hká dông ê ho akô lhú?
4. Lhoqlhai poî zoshuq bàn zô é htâng má, Yhûmsîng Yesuq gi, haî hui zo râ dùt é lhú?
5. Yhûmsîng Yesuq gi, Mùk lé myhik hpé mù, haî taî ri lhú?
6. Yhûmsîng Yesuq gi, tsibyiq gó m eq séng mù, haî taî ri lhú?
7. Yhûmsîng Yesuq lé sidìq a zùng sû gi, ó yùq nghut ri lhú?

B. Ahkyo Azó Lé Sê Gyô É Hkyô

1. Mùk eq tsibyiq gi, hai lichyúm nghut lhê ga, Yhûmsîng Yesuq taî ri lhú?
2. Yhûmsîng Yesuq gi, Yhâng gùng lé, hká dông byî pyâm ri lhú?
3. Yhâng é chyángzô pé lé, Yhûmsîng Yesuq taî é dangshikaq asik gi, haî nghut lhê lhú?
4. Chyúmlaiká má, Yhûmsîng Yesuq lé "Garai Gasâng é sau zo" ga taî tô ri. Nàng mhoq yu é Lhoqlhai poî eq sêng é hkyô má, Yhûmsîng Yesuq lé, "Garai Gasâng é sau zo" ga haî mù, taî é su ngam ri lhú?

C. Mhoq Yu é Dông Asàk Duì Râ Hkyô

1. Noqkuq jong má, haî mù Yesuq é myinzang zo poî kut akô lhú?
2. Mhô-myi shî mai, Yhûmsîng Yesuq é hkyô haî wó mhoq yu ri lhú?
3. Yhûmsîng Yesuq gi, yhâng gùng yhang shî hkám mù, ngá-nhúng lé hkyi yu é hkyô lé nàng wó sê é hkûn, náng é myít má hkâsu ga hkâm zô ri lhú?

D. Wó Mhoq Yu É Hkyô Pé

1. Yhûmsîng Yesuq gi, tapzîng htoq má shî hkám râ lé sê to lù gù nghut ri.
2. Lhoqlhai poî má sat huî é sau zo gi, Garai Gasâng yhangzo nghut é, Yhûmsîng Yesuq lé taí nau é nghut ri. Yhûmsîng Yesuq gi, Yhâng myìt mai yhang shî hkâm ri. Yhang, haú su kut shî hkám byî é yánmai, ngá-nhúng gi, yubàk marâ é atsam mó mai wó lùt bê nghut lhê.
3. Yhûmsîng Yesuq gi, Yhang shî hkám byi bê nghut é yánmai, hkâ-nhám le yhang lé myìt bûn nyì râ lé ô nau ri.
4. Gótû hái jung wó mhoq yu záng ashî lhú? Myi râ dangmyi jòq ashî lhú?


NGHAP MATSÍNG RÂ CHYÚMBUN

Lukaq 22 : 20

Haû eq rajung za, myinzang bàn zo jáng, gólmé le yù mù, “Góm shî gi, nûngmòq é matú htoq pyâm é, Ngá é sui má xuq tô é dangshikaq asik nghut lhê.

18. Tsanlun Bùm Má Yesuq Kyûdûng É Hkyô

Jesus Prays at the Mount of Olives




Lukaq 22: 39 – 53

Dang Hpóng

Mhô-myi shî gi, Yhûmsîng Yesuq eq Yhâng é chângzô pé, lhoqlhai poî kut é myìn lé dùt é hkyô nghut ri. Haû gi, bàt htoq myi nyí nyí, Yerusalem wà mó é tû tap Tsanlun bùm má, dùt é hkyô nghut ri. Lhoqlhai poî myinzang bàn zô é htâng má Yesuq gi, Yhâng é chângzô pé lé ji yù mù, kyûdung râ matú, Tsanlun bùm shut shuî dòq ló ri. Yhûmsîng Yesuq gi, shî hkám râ ahkyíng chyâng lò bê nghut é hkyô lé, sé gù nghut ri.

Nàng gi, rajung jung lé myìt myo ú hkyî é, a nghut jáng, myìt yón é dùt wú lhê lùq? Haû gi, hái jung jung lhú? Nàng gi, myìt myo ú hkyî é u lé, haî lhaq kut lhê lhú?



39 Ahkuî, Yesuq gi, htoq luî, gó hkun é eq rajung za, Tsanlun Bùm shut htoq e ló bê nghut ri; Yhâng é chângzô pé le Yhang htâng châng e ló akô.




40 Haú jowò má je jáng, Yhang gi,
“Núngmòq, gúnglaú é a hui sháng gàq, kyûdûng
nyì keq.” ga luî, yhángmòq lé ⁴¹ taî to mù,
chángzô pé nyi é mai luqgok radú we kô gâng e
ló luî, hkyi hput htuq mù,




⁴² “Âwa ê, Nàng ô nau é nghut le gi, góm shî lé Ngá chyáng mai lhaî pyám byi laq. Nghut kôlhang, ngò ô nau é dông a nghut, Nàng ô é dông shèq nghut sháng gàq.” ga kyû dûng ri.

⁴³ Haú hkûn, mauhkûng mai maumang lagyo rayùq htoq lé luî, Yhang lé i-myìt nhik lé taî tîng ri.


⁴⁴ I-myìt hkaû má dìk shoq hkâm zo wuî é yánmai, Yhang je riyhang kyûdung wum kat nyi ri; Yhâng é buìbù le, sui hkyí sui pat su myigÙng má yui gyó ri.



45 Haû mù, kyû ban dung jáng, Yhang toq luî,
chángzô pê chyáng ló wú le, yhángmòq gi, myit
yón mù luî, yhup myhî to kô é lé ló myâng mù,
46 “Haî mù yhup nyi akô lhú? Toq keq! Gúnglaú é
a hui sháng gàq, kyûdûng nyì keq.” ga luî,
yhángmòq lé taî ri.



47 Haû su ga, ru taî nyi ashî le, wú keq, haû
chángzo raxe í yùq má bo é Yudaq gi, hkyô hí mù
byù rajùm rayò lé shuî lé lô luî, yhang gi, Yesuq
lé bopuq puq
râ ga huî lé lo ri.



48 Haû mù luî, Yesuq gi, “Yudaq ê, nàng gi, haû Byu Yhangzo lé bopuq puq é èq gyè pê chyáng ap pyâm lhê lhú?” ga luî, yhang lé lhom myî ri.

49 Haú hkûn, Yesuq htâng châng bang gi, haî dut lò râ lé bûn sé kô é yánmai, “Yhûmsîng ê, ngámòq gi, sham èq zân le, gè râ lhú?” ga myî akô.



50 Yhángmòq chyáng mâ é rayùq gi, hkyangjong
mó é dui-nhâng zoshâng lé zân kat luî, yhâng é
lòqyo nohkyap byìt byùq bê nghut ri.



52 Yesuq gi, Yhang lé chyup râ ga jé lé é hkyang jong agyi pé, noqkuq yhûm zúng é zau pé eq agyì sûwún wuî lé, “Núngmòq gi, damyàq rayùq lé chyup é su, shâm, dumbáng eq kut luî, lé lo akô lhú?

53 Ngò gi, nyí wuî, noqkuq yhûm má núngmòq eq rahá nyì kôlhang, núngmòq Ngo lé chyup yû râ ga a hen wú kó; ahkuî gi, mauchut èq up nyi bê yánmai, núngmòq é ahkyíng nghut nyi ri.” ga taî ri.

A. Ahkyo Azó Lé Hpyê Lhûm É Hkyô

1. Yhûmsîng Yesuq gi, haî mù, yhâng é chângzô pé lé kyûdung nhâng nau ri lhú?
2. Yhûmsîng Yesuq gi, Garai Gasâng chyâng hkâsu ga kyûdûng ri lhú? Yhâng é matú, haî dûng ri lhú?
3. Mauhkûng mai Yhûmsîng Yesuq lé nhik lé ting byi sû gi, ó yùq lhú?
4. Yhûmsîng Yesuq kyûdûng nyi é hkûn, buìbù gi, haî mù sui hkyí sui pat su yui gyó nyi ri lhú?
5. Yhûmsîng Yesuq kyûdûng nyi é hkûn Yhâng é chângzô pé gi, haî kut nyi akô lhú?
6. Yudaq Isikarut gi, Yhûmsîng Yesuq lé myàng jáng, haî kut ri lhú?
7. Yhûmsîng Yesuq lé chyup yù râ matú, Yudaq Isikarut eq rahá ô pé châng lé lo bum akô lhú?
8. Chângzo raxe í yùq mâ é rayùq gi, hkyangjong mó é jùn zo lé haî kut kat ri lhú?

B. Ahkyo Azó Lé Sê Gyô É Hkyô

1. Yhûmsîng Yesuq gi, yhâng chângzô pé lé gúnglaú é a hui kô shâng gàq, kyûdûng nyì keq gâ ri. Hkâ sû é agûng alaú pé yhângmòq chyâng jé lò sê ri lhú?
2. Yhûmsîng Yesuq gi, kyûdûng é hkûn, "Ngò ô nau é dông a nghut, Nàng o é dông shèq nghut shâng gàq" ga haî mù dûng ri lhú?
3. Yhûmsîng Yesuq gi, Yhang lé chyup râ bang jé lé lo é hkûn haî mù a lhom htuqhtîng pyâm é lhú?

C. Mhoq Yu é Dông Asàk Duì Râ Hkyô

1. Ngá-nhûng wuîhke jamjau huî é hkûn, Yhûmsîng Yesuq é kyûdung dang gi, ngá-nhûng lé hkâsû é alik byî ri lhú?
2. Nâng é asàk duì hkyô má, Yhûmsing Garai ô nau é hkyô lé châng jáng, nguì ngón hkyô wó râ nghû, nàng lùmjíng lhê lùq?
3. Yhûmsing é asàk duì hkyô má, hká dông asàk dui e ló râ nghu é lé, Yhûmsîng Yesuq chyâng mai haî wó mhoq yu ri lhú?

D. Wó Mhoq Yu É Hkyô Pé

1. Yhûmsîng Yesuq gi, ngá-nhûng é yubàk mara lé hkyut pyám byi râ matú, shî hkám bê nghut ri.
2. Ngá-nhûng gi, wuîhke jamjau huî lo é hkûn Yhûmsîng Yesuq chyáng wum-o atsam dûng yù râ dùt lhê.
3. Gótû hái jung wó mhoq yu záng ashî lhú? Myi râ dangmyi jòq ashî lhú?

NGHAP MATSÍNG RÂ CHYÚMBUN

Lukaq 22: 42

“Âwa ê, Náng ô nau é nghut le gi, gó m shî lé Ngá chyáng mai lhaî pyám byi laq. Nghut kôlhang, Ngò ô nau é dông a nghut, Nàng o é dông shèq nghut sháng gàq.” ga kyûdûng ri.

19. Yesuq Lé Petiruq He-ngik Pyâm É Hkyô

Peter Denies Knowing Jesus



Lukaq 22 : 31-34, 54-62


Dang Hpóng

Hku-nyí wó gyô yù râ ahkyô gi, Yhûmsîng Yesuq é chángzo rayùq nghut é Petruq é hkyô nghut lhê. Petruq gi, Yhûmsîng Yesuq lé, gyai chyit sû nghut ri. Yhûmsîng Yesuq gi, Garaî yhangzo nghut é hkyô lé le hkyak lùmjíng sû nghut ri. Hkâsu nghut kôle, Petruq gi, Yhûmsîng Yesuq chyup huî é htâng mai, lûm gyùq byùq mù Yesuq lé lhoq shut bê nghut ri.

Shí mhô-myi má, í túm dông byu myang ri. Sâng hî túm gi, Yhûmsîng Yesuq tsanlun bùm má, kyûdung a ê shi-má dùt é nghut mù, htang túm gi, Yhûmsîng chyup huî é htâng mâ é hkyô nghut ri.

Nâng myìt má, ahuí aha ga hkâm zô é hkyô a nghut jáng, nàng Hkristan nghut é hkyô supé sê byùq râ gyùq é hkyíng jòq wú lhê lhú?

*Shí túm gi, Yhûmsîng Yesuq Yhâng chângzô pé eq
lhoqlhai poî kut é htâng má dût é hkyô pé nghut ri.*




³¹ Simun, Simun ê, wú aq, súngsô cham lé shaî é su, nûngmòq lé wó shaí shoq ga, Tsâdán wá gi, ahkâng dung bê.

³² Nghut kôlhang, náng é lùmjíng myìt a hten shâng gàq nghû, Ngò, náng é matú kyûdung byi bê; nàng dum lding bûn lò jáng, nung gu nung mâng pé lé wum-o lhoq ging byi aq.” ga taî ri.



33 Haú hkûn, Simun gi, “Yhûmsîng ê, htóng wâng kôlhang, shî kôlhang, ngò gi, nàng eq rahá cháng râ matú myìt hpyit to bê.” ga tû taî ri.




³⁴ Yesuq gi, “Petruq ê, nang lé Ngò tai lé, hkû-nyí lháng wòq a tûn shi má, nàng, Ngo lé a sé ga luî sum dâm he-ngìk pyám râ nghut lhê.” ga tai ri.

*Shí túm gi, Yudaq Noqkuq htûng nhik bô bâng
eq Yesuq lé chyup zing pyâm é hkyô nghut ri.*




⁵⁴ Haú hkûn, yhángmòq gi, Yhang lé chyup yû
mù she ló luî, hkyangjong mó é yhûm shut shuî
wang ló akô. Petruq le we we mai châng tô ri.




55. Ahkuû, yhángmòq gi, wàng hkaû má myi mut yû luî zung tô bum é hkûn, Petruq le yhangmoq é ahkaû má bo tô ri.


56 Langchyáng myhí rayuq gi, myihkyom yâm má Petruq zung tô é lé, myang kat mù, yhang lé rago wú tsuq to luî, “Shí yuq le Yesuq eq rahá nyì sù nghut ri.” ga taî ri.



57 Haú hkûn, Petruq gi, “Myiwe myhí ê, nàng taî
é sû lé, ngò a sé.” ga he pyâm ri.



59 Hkyíng hkum rahkum kô myáng jáng, rayuq le,
“Gè gè yhang, shí yuq gi, Yhang eq rahá nyi wún
sû nghut ri; haî mù gâ le, yhang gi, Galile byù le
nghut ri.” ga zuq zuq taî ri.



⁶⁰ Petruq gi, “Byù hpó ê, nàng taî nyi é hkyô lé, ngò a sé.” ga tû taî ri. Haû su ga ru taî nyi ashî le, woq tûn bê nghut ri. Haú hkûn, Yesuq gi, lhîng luî, Petruq lé wú kat ri.

⁶¹ Haû mù, Petruq gi, “Hkû-nyí lháng, woq a tûn shi má, nàng Ngo lé sum dâm he pyám râ nghut lhê.” ga luî, Yhumsîng yhang lé taî é dang lé bûn kat ri.



“⁶² Haû mù, yhang gi, shinggan shut htoq ê luî,
gyai yhang ê ngau nyi ri.

A. Ahkyo Azó Lé Hpyê Lhûm É Hkyô

1. Ó yùq gi, Petiruq lé chyâm râ nghut lhê ga Yesuq taî ri lhú?
2. Petiruq gi, Yhûmsîng Yesuq é matú hkânhám le rì rì nghut nyi lhê ga hká dông taî ri lhú?
3. Yhûmsîng Yesuq gi, wòq sum dâm a tûn shi má haî dùt râ ga Petiruq lé taî ri lhú?
4. Gyè jùm Yhûmsîng Yesuq lé hkâsu kut chyup ló akô lhú? Yesuq lé chyup ló é htâng, ó a sé lo shoq châng e é sû gi, ó yùq nghut ri lhú?
5. Petiruq myihkyóm yàm má zung tô é hkûn, yhang lé sâng-hi wú sé sû gi, ó yùq nghut ri lhú?
6. Petiruq lé ô pé wú sê ashi kô lhú? Petiruq gi, yhang lé wú sé bang lé hkâsu ga tû taî ri lhú?
7. Yhûmsîng Yesuq taî é dang lé dum bûn lò râ mtú, Petiruq chyáng haî dut ri lhú?
8. Petiruq gi, Yhûmsîng Yesuq taî tô é eq rajung za, wòq tûn htê lé wó gyo jáng, hkâsu ga hkâm zô ri lhú?

B. Ahkyo Azó Lé Sê Gyô É Hkyô

1. Petiruq lé Tsádán chyam wú nau é hkyô eq séng luî, nàng hkâsu dàt gyô ri lhú?
2. Yhûmsîng Yesuq gi, Petiruq eq yhâng chângzô pê é matú, kyû hkâsu ga dung byî ri lhú?
3. Petiruq gi, Yesuq lé hkangjong mó yhûm shut chyup ló kô é hkûn, haî mù châng e ri lhú?
4. Petruq gi, Yhûmsîng Yesuq lé ngò a sé ga, haî mù he-ngìk pyâm ri lhú?

C. Mhoq Yu é Dông Asàk Duì Râ Hkyô

1. Tsádán gi, ngá-nhúng lé hká dông chyam wú nyi ri lhú?
2. Ngá-nhúng le, Yhûmsîng Yesuq lé hká dông he-ngìk nyi lhê làq myìt wú sháng.
3. Ngá-nhúng é lùmjíng hkyô má kô myhang lò râ matú, hkâsu kut râ ri lhú?
4. Petiruq eq yhâng chângzô pê é matú, Yesuq kyûdung byî é hkyô lé sê é hkûn, ngá-nhúng hkâsu kut wum wó yù râ lhú?

D. Wó Mhoq Yu É Hkyô Pé

1. Tsádán gi, Yhûmsîng Yesuq é htâng châng é bang yùq hkangmó lé gúnglaú râ matú shikùt nyi ri.
2. Ahkuî, Yhûmsîng Yesuq gi, Garai Gasâng é tángmyhâng hí má zùng mù, lùmjíng bang bànshoq é matú kyûdung byî nyi lhê. Ngá-nhûng a dàt dûng é pé lé le, Chyoiyûng woïnyi gi, dàt dung shoq mhoq shit lhê ga Chyúmlaiká má taî tô ri. (Hebre 10 : 19-24, Roma 8: 26)
3. Ngá-nhûng é lùmjíng hkyô kô myhâng ging tíng râ matú, hkyi yù Yhûmsîng Yesuq má myìt chôm huî lhûm nyi râ dùt lhê.
4. Gótû hái jung wó mhoq yu záng ashî lhú? Myi râ dangmyi jòq ashî lhú?


NGHAP MATSÍNG RÂ CHYÚMBUN

Lukaq 22: 32

Nghut kôlhang, náng é lùmjíng myìt a hten shâng gàq nghû, Ngò, náng é matú kyûdung byi bê; nàng dum lding bûn lò jáng, nung gu nung mângh pé lé wum-o lhoq ging byi aq.” ga taî ri.

20. Suwún Wui É Hí Má Yesuq Jéyáng Huî É Hkyô

Jesus Stands Trial before the Religious Leaders




Lukaq 22: 66-71


Dang Hpóng

Mhô-myи ahkyo azó shî má, Mesai-a gâ é dangcham lé wó gyo râ nghut lhê. Mesai-a gâ é dangcham gi, Hebré myíng nghut mù, “Namngón xû but hui sû, a nghut jáng, hkyin yù hui sû” gâ é lichyúm nghut lhê. Dangshikaq axau má, Mesai-a rayùq htoq lô râ hkyô eq Mesai-a haû gi, Hkóhkâm rayùq dông hkyin tô é hui sû nghut mù, byu pé lé yubàk mai hkyi yù râ sû nghut é hkyô lé, myìqhtoî pé kâ tô bum akô. Nghut kôlhang, Yudaq byù myû wuì gi, yhángmòq chyáng, Garai Gasang èq Mesai-a hkâ-nhám nhang kat byi râ lhú ga láng nyi bum akô.

Yudaq sará pé gi, Dangshikaq axau lé rago za sé bang nghut bum akô. Garai Gasâng é hpungwup atsam bo jáng za wó kut é maú hpo múzó pé lé Yesuq wó kut é nghut kôlhang Yhang lé Mesai-a ga a lùmjíng kó nghut ri. Hau htâng, Yhûmsîng Yesuq mai, yhâng gûng yhang, Garai Gasâng yhangzo Mesai-a nghut lhê ga taî é lé, mara mó lhoq shut é dông hkam yu bum akô. Haú u gi, Yudaq ushuq pé eq sará pé mai Yesuq lé gyai yhang nhik-yô nau bùm kômù, Yhang lé sat nau nyì kô é ahkyíng yhang nghut ri.




“ Napkyó myoqmyàng jáng, mingbyû wui é
sûwún hpúng bang eq rahá, hkyangjong agyi pé,
tarâ sará pé, zùp hpong kut nyi é má,




tarâ sará pé, zuphpong kut nyi é má, Yesuq lé shuî ê mù, “Nàng Hkrisduq nghut é têng le gi, ngamoq lé taî kyo laq.” gâ akô.


⁶⁷ Yesuq gi, “Ngò gi, Hkrisduq nghut lhê nghû taí kôlhang, nungmoq jíng kó râ a nghut.



69. Byu Yhangzo gi, a-tsam bo dik é Garai Gasâng
é loqyò hkyam má wó zung nyì berâ nghut lhê.”
ga luî, yhangmoq lé taî ri.



7º Haú hkûn, yhangmoq banshoq bang gi, “Haû nghut le gi, Nàng, Garai Gasâng é Yhangzo nghut lhê lhú?” ga myî akô. Yesuq gi, “Nungmoq taî é eq rajung za Ngò nghut lhê.” ga luî, yhangmoq lé tû taî ri.



71 Haú hkûn, yhangmoq gi, “Nganhúng hái jung saksé wá râ nyi ashî lhú? Yhâng é nhut mai yhang, taî htoq kat é dang lé, nga-nhúng wó gyo bê nghut lhê.” ga akô.

A. Ahkyo Azó Lé Hpyê Lhûm É Hkyô

1. Yhûmsîng Yesuq gi, Yhâng chángzô pé lé, nàpsûn noq mai hká shut shuî e ri lhú? Haú má ó yùq bo lom ri lhú?
2. Hkyangjong agyi pé eq zau sûwún wuì gi,
Yhûmsîng Yesuq lé haî taí nhang ri lhú?
Yhûmsîng Yesuq gi, hkâsu ga dum tû taî kat ri lhú?
3. Yhûmsîng Yesuq gi, haû byu yhangzo hkâ má ló zung to râ ga taî to hkô ri lhú?
4. Hkyangjong agyi pé eq zau sûwún wuì gi, Yhûmsîng Yesuq lé haî myî akô lhú? Yhûmsîng Yesuq gi, hkâsu ga dum tû taî ri lhú? (Zoshâng wuì lé taî kyo râ sará/ myhî pê é matú: “Ngò nghut lhê” gâ é myìng gi, Garai Gasâng èq Moshèq lé tû é myìng nghut ri. Haû gi, Chyoiyûng woínyi sô nghut ri. Tarâ jéyâng jang má, Yhûmsîng Yesuq gi, yhâng gùng yhang “Ngò nghut lhê” ga taî ri. Haû gi, Hkrisdùq é myìng lé, yhâng gùng yhang myhîng yu é nghut ri. Haû mù, Hparishê pé gi, Yhûmsîng Yesuq, haî mù Garai Gasâng é yhangzo nghut lhê ga taî nyi é lé sê bum akô.)
5. "Ngò nghut lhê" ga Yhûmsîng Yesuq taî é lé wó gyo kô jáng, hkyangjong agyi pé eq zau sûwún wuì gi, hkâsu ga taî bum akô lhú?

B. Ahkyo Azó Lé Sê Gyô É Hkyô

1. Yhûmsîng Yesuq lé, haî mù Yudaq byìn tú wàp má shuî e akô lhú?
2. Byìn tú wàp má, Yhûmsîng Yesuq lé, "Nàng gi, Mesai-a lùq? Nàng gi, Garai Gasâng é yhangzo nghut lhê lùq." ga haî mù myî akô lhú?
3. Yhûmsîng Yesuq gi, "Ngò, Mesai-a nghut lhê nghû taí kôle, nûngmóq jíng korâ a nghut ga haî mù dum taî kat ri lhú?
4. Byu yhangzo gi, Îwâ é lòqyo hkyam má zung nyì râ nghut lhê ga, Yhûmsîng Yesuq taî tô ri. Haû gi, haî lé taí nau é nghut lhê lhú?

C. Mhoq Yu é Dông Asàk Duì Râ Hkyô

1. Yhûmsîng Yesuq gi, Garai Gasâng é yhangzo nghut lhê nghu é lé, nàng gi, haî mù lùmjíng lhê lhú?
2. Yhûmsîng Yesuq gi, "Ngò Mesai-a nghut lhê." ga taî ri. Yhang gi, ngá-nhûng é matú hkyin to huî é hkóhkâm nghut ri. Hkóhkâm rayùq gi, yhûmsing byu pê é ahtoq má, hkâsû é wò jòq ri lhú? Yhûmsîng Yesuq gi, ngá-nhûng é matú hkâsû é hkóhkâm nghut lhê lhú?
3. Mhô-myi ahkyo azó shî mai, náng é sàkduì hkyo é matú haî wó mhoq yu ri lhú?

D. Wó Mhoq Yu É Hkyô Pé

1. Yhûmsîng Yesuq gi, Yhang, Garai Gasâng é yhangzo nghut lhê ga hkyak taî tô ri.
2. Ngá-nhúng le, Yhûmsîng Yesuq kut é múzó pé lé sé kôlhang, a lùmjíng é hkyangjong agyi pé eq zau sûwún wuì su a dùt loshoq sidiq râ ri.
3. Gótû hái jung wó mhoq yu záng ashî lhú? Myi râ dangmyi jòq ashî lhú?

NGHAP MATSÍNG RÂ CHYÚM BUN

Lukaq 22: 70

Haú hkûn, yhángmòq gi, “Nga-nhúng hái jung sàksé wá râ nyi ashî lhú? Yhâng é nhut mai yhang, taî htoq kat é dang lé, nga-nhúng wó gyo bê nghut lhê.” gâ akô.

